

**Sɛwɛ konɔbanɔa ŋa Pɔli wɔla
torogo
TIMOTE
wi yeri**

Sɛwɛ wi nawa sɛnrɛ

Pa Timote wɔla yiri wa Lisiti ca, wa Likawoni tara ti ni (Kapyɛ 14.6). Nala wo ni pe maa ki tara ti yinri Turiki tara. Timote wi to wɔla pye Girekiye woo, a wi nɔ wo pye Zhufuye woo. Naa Pɔli wɔla Zhezu Sentanra ti yari wa Lisiti ca, a Timote, naa wi nɔ Enisi konaa wi mama Lɔyisi wi ni pɛ si taga Zhezu wi na. Naa Pɔli wɔla kaa kari ki shyen wogo ki na wa Lisiti ca, a wɔ si Timote wi le maa taga wi yɛɛ na, janɔo wɔla wi sari wa we Fɔ wi tunɔo ki ni (Kapyɛ 16.1-3).

Laga ki sɛwɛ ŋa wi ni, wɛge yan fɔ Pɔli wɔ yiri wa Efɛzi ca ma kari wa Azi tara, mbe sa kari wa Maseduwani tara. Naa wɔla kaa na kee, a wɔ si Timote wi yaga wa Efɛzi ca, janɔo wi konɔ ton nagafenne yagboyoolo pe na (1.3). Pɔli wɔla ki sɛwɛ ŋa wi yɔnlɔo mbe kotogo le Timote wi ni, konaa mbe yerɛwɛ kan wi yeri tunɔo ŋa wi yen na piin wa legilizi wi ni ki wogo na.

Wa sɛwɛ wi go nunɔba, naa tijɛɛ konaa kɔgɔlɔni (1; 4; 6) ki ni, mbele pe maa yagbogowo nagawa sɛnrɛ nari, ma kaselege nagawa sɛnrɛ ti yaga, Pɔli wi yen na para poro wogo na. Ki yagbogowo nagawa sɛnrɛ ti yen na para Yenɔɛle li lasiri wo naa tagawa mba pe ma taga Zhezu wi na pi wogo na.

Wa sɛwɛ wi go shyen (2.1-15) ki ni, Pɔli wi yen naga yuun tagafenne pe kan ma yo paa yenri konaa ma nagawa kan pe yeri yenrɛwɛ pi wogo na.

Wa sɛwɛ wi go taanri (3.1-16) ki ni, legilizi yɛkeele pe tangalomɔ pi daga mbe pye yɛgɛ nga na, Pɔli wì para ki wogo na.

Wa sɛwɛ wi go (4.6-6.21) laga ki ni, Pɔli wi yen na Timote wi kotogo kanni ma yo wila Yenɲɛlɛ li tunɲgo ki piin. Wi daga mbege pye yɛgɛ nga na mbe ta mbaa gbogolomɔ mba fuun pi yen wa legilizi wi ni pi kagala ke yɛgɛ woo paa Zhezu Kiriwi tunmbyee jɛnɲɛ yen, Pɔli wìgi wogo ki yo wi kan fun. Wa sɛnrɛ ti kosaga, Pɔli wi yen na Timote wi kotogo kanni ma yo wi nɲbeli gbɔn jɛnɲɛ wa tagawa pi ni.

Sɛwɛ wi yen ma kɔɔnlɔ yɛgɛ nga na

Sɛwɛ wi lesaga sɛnrɛ konaa sharaga 1.1-2

Yerɛwɛ mba pìla kan nagafenne yagboyoolo pe yeri 1.3-11

Yinme mba Yenɲɛlɛ làa tirige Pɔli wi na 1.12-17

Pɔli wìla Timote wi kotogo kan wi na ma yo wi pye tagawa ni 1.18-20

Nagawa mba pì kan Yenɲɛlɛ li gbogolomɔ konaa legilizi wi yɛgɛ sinme wogo ki na 2.1-3.16

Nagawa mba pì kan yagbogowo nagawa sɛnrɛ ti wogo na 4.1-16

Gbogolomɔ mba fuun pi yen wa legilizi wi ni ki leele pe yigikala 5.1-6.2

Kagala legere kele yɛgɛ wɔmɔ 6.3-19

YEREWƎ puŋgo woo konaa duwaw senre 6.20-21

Pɔli wila Timote wi shari

¹ Mi Pɔli, mi yen Zhezu Kirisi wi pitunŋɔ. We Shɔfɔ Yenŋele lo liŋi kologo kan na yeri, naa we Fɔ Zhezu Kirisi wi ni. Wo ŋa wi yen we jigi tagasaga ye.

² Muwi miŋi sewe ŋa wi pye maa torogo mboro Timote ma yeri. Mboro ŋa ma yen na pinambyɔ jennɛ wa tagawa pi ni we. We To Yenŋele lo naa we Fɔ Zhezu Kirisi wi ni pe yinme kan ma yeri, pɔɔn yinriwe ta, pe yeyinŋe kan ma yeri!

Ma yee yingiwe jen yagbogowo nagawa pi ni

³ Timote, ma koro wa Efezi ca paa yegɛ ŋga na miila ma yenri maga pye, sanga ŋa ni miila pye na kee wa Maseduwani kinda we. Leele pele wa na leele pe nari yagbogowo nagawa pa ni. Maga yo maga ŋgban pe ni poo yerege.

⁴ Maga yo pe kan fɔ paga ka taga munŋooro naa pe teleye setiriye senre nda ti se jen mbe ko to na, ki yaara ti maa kendige yinrigi. Tii yala ŋga Yenŋele li kon ma tegɛ mbe pye mbe leele pe sho ki ni, ko ŋga we jen tagawa pi fanŋga na we.

⁵ Ki konɔ kanga ki go koyi ŋga ndanlawa we, mba pi maa yinrigi kotogo jennɛ ni, naa nawa jatere jennɛ ni, naa sobe tagawa ni.

⁶ Leele pele puŋgo le ki tangalomɔ jembe pi ni ma pye senwara yofenne.

⁷ Paa ki jaa mbe pye lasiri sɛwɛ jɛnfɛnnɛ, ma si yala, sɛnrɛ nda poro jate pe maa yuun to naa nda pe yɛn ti punɔgo na, paa ti kɔrɔ jɛn.

⁸ Wɛgɛ jɛn ma yo lasiri wi yɛn ma yɔn, na ma kaa tanri mbaa yala wi ni we.

⁹ Wɛgɛ jɛn ma yo lasiri wii tɛgɛ lesinmbele poro kala na, ɛɛn fɔ, wì tɛgɛ kapere pyefɛnnɛ poro naa mbele pɛ yiri ma je poro kala na, naa mbele pe woro na fyɛ Yɛnɛɛɛ li yɛgɛ poro naa lepeele pe ni, naa mbele pɛ je Yɛnɛɛɛ li na poro naa mbele pɛ Yɛnɛɛɛ kɔnɔ li yaga pe ni, naa mbele pe maa pe teele naa pe nɛɛɛ pe kuun pe ni, naa legboleele pe ni,

¹⁰ naa kɛɛnrɛ lifɛnnɛ poro naa mbele pe maa jɛɛɛ kala piin pe nambala yɛɛnɛ ni pe ni, naa mbele pe maa leele yuun na pɛrɛ kulolo pe ni, naa yagbogolofɛnnɛ poro naa mbele pe maa yagbogolo sɛnrɛ yuun na tanwa ti na pe ni, naa kagala sanɔgala nɛgɛɛ fuun ke maa kendige woo kaselege nagawa pi ni ke ni.

¹¹ Pa ki nagawa pi yɛn wa Sentanra nda tì telege na na ti ni. Yɛnɛɛɛ nɔgbɔgɔ nɔga ki yɛn nayinmɛ pi go, ti yɛn na para ko sɛnrɛ na.

*Kagbaraga nɔga Yɛnɛɛɛ li pye,
ki daga wege jɛn li na*

¹² Mi yɛn na we Fɔ Zhezu Kirisi wi shari, wo nɔ wì fanɔnɔga le na ni na tunɔgo ki na we. Mi yɛn naa shari, katugu wìlan jate mi yɛn tagawa ni, mɛɛ na wɔ mbaa tunɔgo piin wi kan.

¹³ Ali maga ta faa mɪla pye naa mɛgɛ ki jogo, ma pye tagafɛnnɛ pe jɔlɔfɔ konaa ma pye lewɛɛwɛ. ɛɛn fɔ, Yɛnɛɛɛ lɪlan yinriwɛ ta,

katugu mi sila taga Zhezu wi na, mi sila si nga mila pye na piin ki jen.

14 We To Yenηελε li yinme gbɔɔ kan na yeri jεngε, naa tagawa konaa ndanlawa ni, mba pi yen we ni wa we gbogolomɔ pi ni Zhezu Kirisi wi ni.

15 Kaselege senre taa nda naa, ti daga lere pyew wiri le, fɔ: Zhezu Kirisi wi pan laga dunruya mbe pan mbe kapere pyefenne poro shɔ. Muwi mi pye kapere pyefɔ gbɔɔ ma we pe ni fuun pe na.

16 Εν fɔ, ko ki ti Yenηελε lilan yinriwe ta. Mi ηa mi yen kapere pyefɔ gbɔɔ ma we, li yere ki na Zhezu Kirisi wi maa kala na fuun kunni wi yeε ni, wi li naga wa na ni, jango mbele fuun pe yaa ka taga wi na mbe yinwege mbakɔgɔ ki ta, mbe pye pe yege nagafɔ.

17 Wunluwɔ mbakɔɔ we, wo ηa wi se ku, wo ηa lere woro naa yaan, wo ηa wi yen Yenηελε nungba le, leele paa li sonni paa li gbogo fɔ sanga pyew! Anmiina.

18 Timote, mboro ηa na pyɔ, ηga mila yuun ma kan ma pye, mbe yala Yenηελε li yɔn senre nda ti yo ma kanngɔlɔ faa ti ni, koyi ηga fɔ ki senre mari pye ma keε kansaga, ma malaga jεngε gbɔn ti ni.

19 Ma tagawa pi yigi jεngε, ma nawa jatere wi pye jεnηε. Leele pele je pe nawa jatere jεnηε wi na ma pe tagawa pi jɔgɔ.

20 Ki leele poro pele wele Imene naa Alegizandire. Mi pe le Sotanla wi keε pege forɔgɔ fɔ kii daga paa Yenηελε li mege ki jogo.

2

Tagafenne pe daga mbaa yenri lere pyew wi kan

¹ Ki konɓbannga mi yen na ye yεregi, fɔ leele paa Yenɓɓe li yenri paa li gbogo, paa li yenri paa pe yε kaan, paa li shari leele pe ni fuun pe kala na.

² Paa yenri wunlumbolo poro naa fannga fenne pe kan, janngo we yeyinɓge ta wa we yinwege ki ni, we jatere wi cen we na. Waa fyε Yenɓɓe li yεge, we tangalomo pi pye pi yala.

³ Ki wogo ki yen ma yɔn, ma we Shɔfo Yenɓɓe li ndanla.

⁴ Li yen na jaa leele pe ni fuun pe sho, pe ya pe kaselege ki jen.

⁵ Katugu Yenɓɓe li yen nunɓba to. Kasuluwo nunɓba wi yen Yenɓɓe lo naa leele pe sogowo. Wo wi yen Zhezu Kirisi ɗa pe se paa senwee yen we.

⁶ Wuu yε kan ma pye leele pe ni fuun pe goshogo sara pe kapere ti ni. Wi ko pye ma yala wagati ɗa Yenɓɓe laa kon ma tege wo ni, maga naga fɔ laa jaa mbe leele pe sho.

⁷ Ko ki ti Yenɓɓe lilan tege mbe pye li senre yofɔ konaa pitunɗo. Ligi kan na yeri mbaa leele mbele pe woro Zhufuye pe nari tagawa pi wogo ko naa kaselege ki ni. Mi woro na finlele, kaselege ko mila yuun.

⁸ Ki kala na, mila jaa nambala paa Yenɓɓe li yenri lagapyew. Paa pe keyen yi yinrigi wa naayeri, paa li yenri kotogo kpoyi ni. Kiga kaa piin nanɓbanwa naa kendige ni.

⁹ Ki pyelomɔ nunɓa pi na fun, mila jaa jɛɛɛ paa pe yɛɛ poo paara nda tì yala to ni. Pe yɛɛ pɔgɔ ki pye ki yala pe ni, ki pe fɛrɛ tɔn. Paga kaa pe yɛɛ poo yimbɔgɔ sɔnɓɓanga wogo ni, nakoma tɛ nunɓogolo, naa somu sɔnɓɓanga woo ni, nakoma paara sɔnɓɓanga woro ni.

¹⁰ Ɛɛn fɔ, paa kapyere jɛndɛ piin, paa yɛɛɛ nɓa na ki yɛn ma yɔn jɛɛɛ mbele yeri paa ki jaa mbege naga fɔ pe yɛn na Yɛnɓɛɛ li gbogo.

¹¹ Ki daga jɛɛɛ pe cɛn yɛw, go sogomɔ jɛmbɛ ni, paa nagawa sɛnrɛ ti nuru.

¹² Mi woro na konɔ kaan jɛɛ wi yeri wi pye nagafɔ, nakoma wi cɛn nambala pe go na. Ɛɛn fɔ, wi cɛn yɛw wi pyeri.

¹³ Katugu Adama wo pàa keli ma da, ko punɓo na mɛɛ Awa wi da.

¹⁴ Adama wo si ma wila wi yɛɛ yaga pòo fanla maa punɓo. Ɛɛn fɔ, jɛɛ wo wila wi yɛɛ yaga pòo fanla maa punɓo, a wì Yɛnɓɛɛ li sɛnrɛ ti kɛ.

¹⁵ Ma si yala, jɛɛ wi yaa shɔ na wiga piile se, mbe koro wa tagawa pi ni, mbe pye ndanlawa ni, mbe pye kpoyi Yɛnɓɛɛ li yɛɛɛ na, naa go sogomɔ ni.

3

Legilizi yɛkeele pe tangalɔmɔ wɛ

¹ Ki sɛnrɛ nda ti yɛn kaselege, fɔ: Na lere wa kaa legilizi yɛkelewe tunɓo ki jaa, ki fɔ wila tunɓo jɛnɓɛ jaa.

² Ki daga legilizi yɛkelewe wi pye jɛrɛgisaga fu. Wi pye jɛɛ nunɓa fɔ, wuu yɛɛ yingiwɛ jɛn. Wi pye jatere pyefɔ. Wi kapyere ti pye ti yala. Wi

pye nambanmbala yigifo. Wi ya wila Yenɲele senre ti nari leele pe na.

³ Wii daga mbe pye sinwɔɔ, nakoma lewelewe. Eɛn fo, wi daga mbe pye nandanwa naa kotoy-inɲe ni. Wii daga mbe pye penjara jogo ni.

⁴ Ki daga wi ya wuu go woolo pe yigi tiyongo wila pe yege sinni. Mboo piile pe koro paa wi gbogo jɲɲe.

⁵ Katugu na lere ɲa si ya mboo go woolo pe yigi tiyongo mbaa pe yege sinni, wi mbe ya mbaa Yenɲele li legilizi wo gbegele mele?

⁶ Wii daga mbe pye tagafo fɔɲɲo, jaɲgo wiga kaa wi yeɛ gbogo, Yenɲele li kiti kongo ki to wi na paa yege ɲga na kɪ to Sotanla wi na we.

⁷ Ki daga fun mbele pe woro tagafenne paa wi metanga yinri, jaɲgo paga kaa wi tifaga wi to wa Sotanla wi peɲgele ke ni.

Legilizi tunmbyeele pe tangalomɔ we

⁸ Legilizi tunmbyeele fun pe tangalomɔ pi daga leele paa pi gbogo, paga ka pye senre shyenzhyen yofenne. Paga kaa tinni sinme ni. Paga kaa penjara tonli gbenɲe jaa.

⁹ Pe daga mbe mara kaselege ɲga kɪ naga wa tagawa pi ni ki na, nawa jatere jɲɲe ni.

¹⁰ Ki daga pege fenne pe wa pe wele gben. Ko punɲo na, na paga pe yan jeregisaga fu, pa pe mbe ya pye legilizi tunmbyeele.

¹¹ Jɛle mbele paa ki tunɲo nunɲba ki piin fun, pe tangalomɔ pi daga leele paa pi gbogo, pee daga mbaa leele mege jogo. Pe daga mbe pe yeɛ

yingiwe jɛn, mbe pye tagawa ni kala li ni fuun ni.

¹² Legilizi tunmbyee wi daga mbe pye jɛɛ nunɔba fɔ. Wi ya wuu piile naa wi go woolo pe yigi, wila pe yeɛɛ sinni tiyɔngɔ.

¹³ Legilizi tunmbyeele mbele pe maa pe tunɔgo ki piin tiyɔngɔ, pe ma gbɔgɔwɔ ta wa pe tunɔgo ki ni, ma kotogo ta ma ya na tagawa pi sɛnrɛ yuun, po mba wè ta wa we gbogolomɔ pi ni Zhezu Kiriwi ni we.

Kaselege gbɔgɔ nɔga ki naga

¹⁴ Mi yɛn naga sɛwe nɔga wi yɔnlɔgi mboo torogo ma kan, ɛɛn fɔ, mila ki jate sanni jɛnri mbe kari wa ma yeri.

¹⁵ Na na karaga kiga si mɔ naa wi yo, ki sɛwe nɔga wi yaa ki naga ma na, paa yeɛɛ nɔga na Yɛnnɛɛɛ li go woolo pe daga mbaa tanri we, poro pe yɛn Yɛnnɛɛɛ na yinwege wolo li Legilizi we, ma pye kaselege ki tɔgɔyaraga naa ki yeregesaga†.

¹⁶ Ee, we shɛrɛɛ konɔ nɔgundo wi yɛn ma gbɔgɔ. Lere se ya mbe kendige wɔ ki na:

Wì pan paa sɛnwee pyɔ yɛn,

a Yinnɛkpoyi lùu naga ma yo wi yɛn ma sin.

Mɛrɛɛɛye pàa wi yan.

Wi sɛnrɛ tila yo cɛngɛɛ woolo pe sɔgɔwɔ.

A pèle taga wi na laga dunruya wi ni.

A Yɛnnɛɛɛ lùu ɛ ma kari wi ni wa yɛnnɛɛɛ na.

† **3:15 3:15:** Mbe pye kaselege ki tɔgɔyaraga naa ki yeregesaga ko koro wo yɛn mbe pye kaselege ki nagafo leele pe na.

4

Leele pele yaa ka je tagawa pi na

¹ Yinnekpoyi li yen naga yuun naga finligi ma yo fo: Dunruya kosanga ni, leele pele yaa je tagawa pi na. Yinngele ngele ke maa leele pe fanla koro naa gboshugulo nagawa senre to pe yaa kaa tanri ti na.

² Pe yaa ka pe yee yaga kopiire fenne naa yagbogolo yofenne pe pe fanla pe pe pungo. Poro mbele pe nawa jatere wi ku pe na ndee pe tuguron le kason ti yanlaga ma yaraga sogo.

³ Pe yaa kaa leele pe nari mbe yo ki woro ma yon paa jele pori, mbe yaakara ta naga mbe yo paga kaa ti kaa. Ma si yala, Yennele lo ligi yaakara ti da, jango mbele pe taga ma kaselege ki jen, paa ti kaa, na paga li yenri mbeli shari mbe ko we.

⁴ Yaraga nga fuun Yennele li da, ki yen ma yon. Yaraga ko ka woro wa lere mbe je ki na, na wiga Yennele li shari mbe si jen mbege ka we,

⁵ katugu ki ma pye kpoyi Yennele li yee na, li senre to naa yenrewa pi kala na.

Zhezu Kirisi wi tunmbyee jenne senre

⁶ Na ma kaa sefenne pe nari ki kagala ke ni, pa ma yaa pye Zhezu Kirisi wi tunmbyee jenne. Pa ma yaa fanninga kan ma yinne li yeri tagawa senre to naa kaselege nagawa senre nda ma yigi na tanri ti na ti fanninga na.

⁷ Een fo, ma je mungooro ti na, ti yen go fu senre na kendige woo tagawa kono li ni; ma bala ma koro maa Yennele li gbogo.

⁸ Mbe wire ti tara kagala kele ni ti ta ti pagala, ki yen tɔnli ni. Eɛn fɔ, mbe koro mbaa Yɛnɲɛle li gbogo, tɔnli yen ko ni ma wɛ kala li ni fuun na, katugu Yɛnɲɛle li yɔn fɔlɔ kɔn mbe yinwege ki kan wi yeri nala konaa goto.

⁹ Ki sɛnrɛ nda ti yen kaselege sɛnrɛ, ti daga lere pyew wiri lɛ.

¹⁰ Ko kɪ ti we yen na tunɲgo piin na ɲgbeli, katugu wè we jigi wi taga Yɛnɲɛle na yinwege wolo lo na. Lo li yen leele pe ni fuun pe Shɔfɔ, ɛn fɔ, tagafenne poro wogo ko wɛ.

¹¹ Maa ki kagala ke yuun maa ke ɲgbanni, maa leele pe nari ke ni.

¹² Maga ka ti lere kpɛ mbaa ma tifaga naa ma yen lefɔnɲɔ ki kala na. Eɛn fɔ, ma pye tagafenne pe yɛgɛ nagafɔ wa ma sɛnyoro to naa ma tangalomɔ pi ni, naa ma ndanlawa po naa ma tagawa pi ni konaa ma pye kpoyi Yɛnɲɛle li yɛgɛ na.

¹³ Sanni mbe sa gbɔn wa ma na, mboro jate ma bala maa Yɛnɲɛle sɛnrɛ ti kara leele pe yɛgɛ na, maa ti yuun pe kan, maa ti nari pe na.

¹⁴ Yarikanga ɲga mà ta Yɛnɲɛle li yeri, maga kaga yigi sambalawa ni, kɪla kan ma yeri Yɛnɲɛle li yɔn sɛnyoro to ni, konaa lelele pe keyen tagawa ma na pi ni.

¹⁵ Ma bala maa ki kagala ke piin. Ma ke yigi jɛɲgɛ ma kotogo ki ni fuun ki ni, janɲgo leele pe ni fuun pege jɛn ma tunɲgo kila kee yɛgɛ.

¹⁶ Mboro jate mɔɔ yɛɛ yingiwɛ jɛn, naa sɛnrɛ nda maa nari leele pe na ti ni. Ma koro ma yɛgɛ sin ki kagala ke na. Na ma kaa ki piin ma, mboro

jate ma yaa ma yεε sho mbe mbele paa nuru ma yeri pe sho fun.

5

*Kagala ngele ma daga
mbaa piin tagafenne pe kanngolo*

¹ Maga ka senngbanra yo lelee wa na, εεn fo, maa wi yerεgi paa ma to yen. Maa lefonmbolo pe yerεgi paa ma sefenne nambala yen.

² Maa jεεle leleele pe yerεgi paa ma nεεle yen. Maa jasumbo pe yerεgi paa ma sefenne jεεle yen, maa ki piin nawa kpoyi ni.

³ Nanngunjaala mbele sagafenne woro pe na, maa pe gbogo.

⁴ εεn fo, na piile ka pye nanngunjo na yeri, nakoma pishyenwoolo mbe pye wi yeri, ki daga ki piile pe kajεnge pyege ki forogo paa ki piin pe go woolo pe kan. Kajεnge nga pe sevenne poro naa pe teleye paa pye ma pe kan, paa ki yongo piin pe kan fun; katugu ko ki yen ma Yenhele li ndanla.

⁵ Nanngunjo na sagaforo woro wi na, lere si woro wi yeri, wi maa jigi wi taga Yenhele li na nali yenri, na sagawa jaa li yeri yonlo naa yembinε.

⁶ εεn fo, na wi maa wi nayinme kagala piin wa wi yinwege ki ni, wo ku mako, ali maga ta wi yen yinwege na o.

⁷ Ma ki kagala ke yo ma ke ngban pe ni, jango pe pye jεregisaga fu.

⁸ Na lere na woro naa sege woolo pe kala li yongo pe kan, si ka logo wi go woolo poro, kona

wi je tagawa pi na, a wi kala li pe ma we ña wii taga wi na.

⁹ Na nanɗunjo ña fa yeɛ nafa taanri ta, maga kaa meɛ ki yonlogɔ mbege taga wa nanɗunjaala pe meɛ ti na. Ki daga ki pye wila pye naña nunɗba jo,

¹⁰ a pò jɛn wi kajɛɲɛ pyege ki na, a wùu piile pe koro tiyongɔ. Ki pye wila pye nambanmbala yigifo na Yenɲɛ li leele kpoyi pe tɔɔɔ ti jogo. Ki pye wila pye na leele mbele paa pye na jɔɔ pe sari, na kajɛɲɛ cɛnɛ pyew ki piin.

¹¹ Nanɗunjaala mbele pe fa lɛɛ, maga ka wo wa meɛ yonlogɔ; katugu na naña la ka pe ta pe pɔri nambala yeri naa, pe ma laga Kirisi wi na.

¹² Kiga pye ma, pe ma pye kajɔɔɔ fenne yon folo konɗbanna na paa kɔn ki wogo ki na li jɔɔwo pi kala na.

¹³ Mbe taga wa ko na naa, pe ma pye tiyanmbala, pe ma koro na yanri yinɛ ti ni faa na toro. Mbe pye tiyanmbala ko nunɗba ma, ɛɛn fo, pe ma pye yogofenne na yon nii leele pe kagala ke ni fuun ke ni, na nda fuun ti woro yoworo ti yuun.

¹⁴ Ko kala kɔ ti mila jaa nanɗunjaala mbele pe yen jasumbonɔ pe pɔri nambala yeri naa, pe piile se, paa pe go tunndo ti piin tiyongɔ, janɗo paga ka yesaga kan we winfenne pe yeri paa senpere yuun we na.

¹⁵ Katugu nanɗunjaala pɛle kozinne li wa makɔ ma taga Sotanla wi na.

¹⁶ ɛɛn fo, na nanɗunjaala pele ka pye tagafo jɛɛ wa laga, wi daga mbaa pe sari, wiga ka pe go kala li yaga legilizi wi kan, janɗo legilizi wi

ya wila nanɗunjaala mbele leele woro pe yeri pe sari.

Legilizi leleεε senre

¹⁷ Legilizi leleεε mbele pe maa legilizi wi yege sinni tiyongo, ki yen ma yala paa pe jate fo pe daga sara shyenzhyen ni. Mbele pe maa Yenhele senre ti yuun, na leele pe nari ti ni, poro wogo ko daga mbe we.

¹⁸ Katugu Yenhele senre tigi yo ma yo fo: «*Nege nga ki maa bile wi tangala naa pyo wi woo, maga kaga yon ki po mere ni.*»† Ma nuru naa ma yo fo: «*Tunmbyee wi ma daga wi sara wi ni.*»

¹⁹ Maga ka sereya pee yigi legilizi lelee wa na, fo ndee serefenne shyen, nakoma taanri mbege kala li yo.

²⁰ Na mbele ka si kapege pye, ma para pe na ngbanga leele pe ni fuun pe yege na, jango sanmbala paa fyε paga ka ka pye.

²¹ Mila ki yuun naga ngbanni ma ni Yenhele li yege na, naa we Fo Zhezu Kiriwo naa meregeye mbele pe wo pe yege na, fo: Maga senre ti yigi maa tanri ti na. Maga ka lere mbonro lere na, maga ka lere wo lere ni.

²² Maga ka keyen taga lere wa na fyεge na mboo tege tunngo ka na wa legilizi. Maga ka pinle lere wa ni wi kapege pyege na. Moɔ yege yigi, ma koro kpoyi.

²³ Maga kaa tonmo po nunɗba woo, een fo, ta duven jεennjenri woo ma lara to naa ma yama legewe pi kala na.

† 5:18 5.18: Dete 25.4; Luki 10.7

²⁴ Leele pele kapere ma yiri funwa na ma jen, na pe fa kiti kɔn pe na. Eɛn fɔ, pele woro na jen fɔ ki punngo na.

²⁵ Ki pyelomɔ nunɔba pi na fun, kapyere jende ti ma yiri funwa na ma jen. Ali nda si yiri funwa na fyaw, ti se ya koro mbe lara.

6

Kulolo pe daga mbaa pe tafenne pe gbogo

¹ Mbele fuun pe yen kulolo, pe daga mbaa pe tafenne pe jate fɔ pe daga gbogowɔ pi ni fuun ni, jango lere wa ka ka senpere yo Yenɔjele lo naa we nagawa senre ti na.

² Kulolo mbele pe tafenne pe yen tagafenne, pee daga mbaa pe tafenne pe tifaga, naa pɛ pye pe tagafenne yɛnle ko kala na. Eɛn fɔ, pe daga mbaa tunngo piin pe kan naa tiyongɔ mbe we, katugu tagafenne mbele pe yen ma pe kulolo pe ndanla, poro pe maa tɔnli taa wa pe kulolo pe tunngo jenɔge ki ni.

Yagbogowo nagawa senre naa yarijende kaselege woro

Maa leele pe nari ki kagala ke ni, maa ke yuun pe kan.

³ Na lere wa kaa leele pe nari nagawa senre ta yɛge ni, na tii yala we Fɔ Zhezu Kirisi wi kaselege senre to naa we tagawa pi nagawa senre ti ni,

⁴ kona, ki fɔ wi yen yɛe gbogowɔ coli, wii yaraga ko ka jen. Wi jatere wi jɔgɔ wi na, wi maa kendige woo na wiin senpiile kala na. Ki wogo ki maa paan yenjara, naa yolegere, naa tegele, naa

jatere pere ni, naa kendige wɔgɔ ni, nga kosaga woro ki na.

⁵ Mbele pe jatere wì jɔgɔ pe na, pe maa ki woo pe yɛɛ ni. Ki leele pee kaselege ki jɛn naa. Pe maa ki jate ndɛɛ mbaa fyɛ Yɛnɲɛlɛ li yɛgɛ ko ki yaa ti pe pye penjagbɔrɔ fɛnnɛ.

⁶ Kaselege yi, mbaa fyɛ Yɛnɲɛlɛ li yɛgɛ ki yɛn tɔnli gbɔɔ, na lere ɲa kaa ɲa ki yɛn wi yeri ki jate kɪ yala wi ni we.

⁷ We sila pan yaraga ni laga dunruya ɲa wi ni, we se si ka yiri laga yaraga ni mbe kari.

⁸ Ki kala na, na waga yaakara naa yaripɔrɔ ti ta, ti daga mbe we yɛgɛ tin.

⁹ Ɛɛn fɔ, mbele paa ki jaa mbe pye penjagbɔrɔ fɛnnɛ, wamawelewe pi ma pe jan. Pe jogo pere nda ti yɛn go fu, ti yaa pye paa pɛnɛ yɛn mbe pe yigi. To ti maa leele pe punɲgu na pe nii jɔlɔgɔ we.

¹⁰ Katugu penjara ti ndanlawa ndorogo, ko ki yɛn tipere cɛnle pyew ti nɲnge ye. Leele pele yɛn na penjara ti jaa ki jawa pi na fɔ ma laga tagawa pi na ma jɔlɔgɔ lɛgɛɛ ta wa pe kotoro na.

*Yɛɛwɛ sɛnrɛ nda Pɔli wɪla kan
Timote wi yeri*

¹¹ Mboro wo na, mboro ɲa ma yɛn Yɛnɲɛlɛ li lere, mɔɔ yɛɛ yigi ki kagala ke ni! Maa kasinɲge piin, maa fyɛ Yɛnɲɛlɛ li yɛgɛ, ma pye tagawa ni, naa ndanlawa ni. Maa kagala kunni ma yɛɛ ni, ma pye nandanwa ni.

¹² Ma malaga jɛnɲge gbɔn wa tagawa pi ni. Ma yinwege mbakɔgɔ ki yigi jɛnɲge, katugu Yɛnɲɛlɛ lɔɔn yeri mbege kan ma yeri, naa màa ma

tagawa pi serɛya jɛnɛ wi yo serɛfenne legere yegɛ na we.

¹³ Mi yen naga yuun naga ngbanni ma ni Yenɛle na li maa yinwege ki kaan yaraga pyew ki yeri lo naa Zhezu Kirisi wi ni pe yegɛ na, wo ɲa wila serɛya jɛnɛ yo kumanda Pɔnsi Pilati wi yegɛ na we.

¹⁴ Fɔ ma ngasele li yigi jɛnɛ li koro kpoyi, ma pye jɛregisaga fu mbe sa gbɔn pilige ɲa we Fɔ Zhezu Kirisi wi yaa wi yɛɛ naga ki na.

¹⁵ Yenɛle li yaa kaa naga wagati ɲa li kɔn wi ni. Lo nunɲba li yen ferewe po naa yawa pi ni fuun Fɔ, naa wunlumbolo pe Wunluwo konaa tafenne pe Fɔ.

¹⁶ Lo nunɲba li se ku. Li yen ma cɛn yanwa mba ni, lere se ya fulo pi tanla. Lere fali yan yenle ni, lere se si ya mbeli yan yenle ni. Gbɔgowɔ naa yawa mbakɔ pi yen li woo fɔ sanga pyew! Anmiina.

¹⁷ Ki yo maga ngban ki dunruya ɲa wi penjagbɔɔ fenne pe ni, fɔ paga kaa pe yɛɛ gbogo, paga si ka pe jigi wi taga ki penjagbɔɔ nda ti yaa ka kɔ to na. Eɛn fɔ, pe pe jigi wi ni fuun wi taga Yenɛle li na. Lo li maa yaara ti ni fuun ti kaan we yeri nari lege, jango we nayinme ta.

¹⁸ Maga yo pe kan fɔ paa kajɛnɛ piin, pe penjagbɔɔ tawa pi pye kapyere jende pyege ni. Paa kaan fyafyaw, paga ka pye kenɲbanga ni.

¹⁹ Na pe kaa ki piin ma, pa pe yaa korɔgo tiyɔngɔ mbakɔgo gbogolo pe yɛɛ kan pe goto kala li na. Kona, pe yaa yinwege jɛnɛ ki ta.

²⁰ Timote, senre nda ti telege ma na, mari yigi tiyɔngɔ. Senwara nda ti woro ma yala tagawa

konɔ li ni, mɔɔ yɛɛ yingiwe jɛn ti ni, naa kendige
ɲga leele pe maa woo naga yinri kajɛnmɛ wa pe
yagbogowo pi ni we.

²¹ Leele pɛle pe yɛɛ pye ma yo poro ki kajɛnmɛ
pi ta, ma punɔgo ma laga tagawa konɔ li na.

Yɛnɲɛle li yinmɛ pi pye ye ni!

**Bibulu Jinmiire ni
Sénoufo, Djimini: Bibulu Jinmiire ni Bible**

copyright © 2014 Wycliffe Bible Translators, Inc.

Language: Djimini Senoufo

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 18 Apr 2025 from source
files dated 29 Jan 2022

a4863791-1c91-5f31-9a8f-034a18a2f8d8